

ԲՆԱՊԱՇՏՈՒԹՅՈՒՆՆԵՐ ԱՎ. ԻՍԱՀԱԿՅԱՆԻ
«ՀԻՇԱՏԱԿԱՐԱՆՈՒՄ»

Մ. Գ. ԶԱՔԱՐՅԱՆ

Ավ. Իսահակյանի բնապաշտությունը առկա է գրողի առաջին իսկ ստեղծագործություններում: Բնությունը նրա համար ինքնադրսևորման, ինքնաբացահայտման միջոց է, և նա իր հոգևոր նրբին ապրումներն ու ալեկոծությունները առարկայացնում է բնության երևույթների միջոցով: Բնությունը մի դեպքում ներդաշնակ է պատանի բանաստեղծի ներքին ելևէջներին («Ցաված սիրտըս երգեր հյուսեց»¹), այլ դեպքում՝ անտարբեր («Տոթր այրեց վարդըն անուշ», I, 4): Ուշագրավ է, որ Իսահակյանի օրագրի՝ «Հիշատակարանի» առաջին գրառումը նույնպես սկսվում է բնապաշտական հակումների շուրջ խորհրդածություններով:

Ի տարբերություն չափածոյի և արձակի, օրագրում գրողի բնապաշտությունը ներկայանում է առավել խոռ և բազմաշերտ կտրվածքներով, մեկնություն-կոտորակումներով: Այսպես, եթե բանաստեղծություններում քնարական հերոսն ինքն է վերածվում բնության («Կուզե՞ս լինիմ վշտի ցողեր», «Կուզեի լինել զարնան արեգակ»), ապա օրագրում արդեն ողջ խորքով ներկայանում է «մարդիկ բնության հյուրեն է» մտայնությունը՝ իս. Աբովյանից Գյոթեի ձգվող ուռնածոով՝ ակունքներում առնչվելով եվրոպական լուսավորիչ մտածողներին: Որպես կենսաբանական և հասարակական երևույթ, մարդը եզակի է ու բաղադրիկ, միակը տիեզերքում հաղորդակցվելու կարողությամբ, մտքի երևակայական սլացքով, արարելու, ստեղծելու, շնանցնելու ունակությամբ. «Մարդը զգացող և մտածող բնությունն է: Մասն ու մասնիկը մեծ բնության, բայց մտածող ու զգացող»²:

Մարդուն տիեզերքի իմաստն ու նպատակը համարելով՝ Իսահակյանը հավաստում է. «Տիեզերքը անսահման մեծ է... ես եմ նրա իմաստը: Առանց մարդու ի՞նչ արժեք ունի տիեզերքը...» (2, 310): Մարդ արարածի պատկերման չափանիշները ստեղծագործություններում արդեն ներկայանում են տիեզերքի զուգորդումներով, երկինք-երկիր ձգվող աղերսներով.

Տիեզերքի պերճ հյուսվածքն եմ,
Իմ մեջ երկինքն է երգում.
Բռնկում է սիրո հրդեհն,
Վշտի հեղեղն աղմկում... (I, 34):

Մարդ էակի այսպիսի բնութագրումները յուրովի խաչաձևում են և՛ շեքըսպիրյան օրհներդություն-փառաբանությունները («Ի՞նչ հրաշակերտ է մարդը: Որչա՞փ ազնիվ են նրա դատողությունները: Որչա՞փ անսահման են նրա ընդունակությունները...»)³ և՛ թմամանյանական իդեալ-երազանքները

1 Ավ. Իսահակյան. Երկերի ժողովածու վեց հատորով. Երևան, 1973—1979; 4. 1, էջ 3: Այսուհետև այս հրատարակությունից արված մեջբերումների հատորն ու էջը կտրվեն տեքստում. Ավ. Իսահակյան. Հիշատակարան (Երևան, 1977), դիրքը կնշվի 2 տառով:

2 Ե. Զարենցի անվան դրականության և արվեստի թանգարան (այսուհետև՝ ԳԱԹ), Իսահակյանի արխիվ, 403—404—II, էջ 48:

3 Վ. Շեքսպիր. Ընտիր երկեր երեք հատորով. հ. I, Երևան, 1951, էջ 50:

(«Մարդու էն վեհ ու վսեմ, էն մաքուր ու անաղարտ պատկերը, որ տվել է նրան աստված, կազմված ու հյուսված բնության ամենամաքուր տարրերից»⁴։ Այսօրինակ աղբյուրներով հանդերձ՝ Իսահակյանը «Հիշատակարանում» երբեմն էլ ուրույն եղրակայություն է հանդում՝ մարդն առավել մեծ է տիեզերքից, քանի որ վերջինս սոսկ հյուս է նրա բանականության և զգացմունքային աշխարհի անհունի համեմատությամբ. «Տիեզերքը անսահման մեծ է... նրանից մեծ եմ և վեհ, ես զգում եմ և ինձ, և նրան...» (2, 310)։ Գրողի ասելիքն այստեղ վերացական է՝ «զգում եմ», մինչդեռ օրագրի թեկուզ մասնակի ծանոթությունն ինքնին վեր է հանում նրա զգայական աշխարհի երկու սայրը՝ սերբ և տառապանքը, որով տրոփում է ողջ «Հիշատակարանը»։ Դա հրդեհվող սեր է ոչ միայն սիրած էակի կամ մոր, այլ ընդհանրապես մարդ արարածի, ցուլ ու տառապանք նրա ճակատագրի և արյունոտ իր հայրենիքի հանդեպ։ Ինչպես է. Տոլստոյը, Իսահակյանը նույնպես համոզված էր, որ միայն տառապանքից է մարդը վերածնվում, վիշտն ու տվայտանքը հողի պես մաքրում են մարդուն, ցավակից դարձնում նրան իր նմանների դառնություններին, վեր պահում մանրախնդրությունից։ Այս դեպքում Իսահակյանի այս խորհրդածությունները օրագրում հանգում են արդեն տիեզերքի դուրսընթացությամբ մարդու վիշտը տիեզերքից մեծ է մտայնությանը։

...Ոչինչ է մարդը՝ փռչի փռչու մեջ
Իր ցավը, սակայն, տիեզերքից մեծ (1, 374)։

Ինչպես չափածություն ու արձակում, այնպես էլ «Հիշատակարանում» Իսահակյանի բնապաշտությունը, բանաստեղծական լինելուց բացի, նաև խոր փիլիսոփայություն է իր մեջ պարունակում։ Դեռևս տասնիննամյա պատանի, հեղինակը հավաստիացնում էր, որ մարդը՝ բնության այդ բանական դավալար, «...պիտի ապրի բնությանը անմիջապես մոտ-սերտ կապված. նա պիտի խույս առ արհեստականից...» (2, 74)։ Ասել կուզի՝ հեղինակը բնության հետ սկզբաշնակ կյանքով է պայմանավորում մարդկության հարատևումը, և ըստ այդմ էլ նրա ներքին ներդաշնակությունն ու կարգականության հավիտենական օրենքները ուղենիշ է համարում մարդ արարածի համար։ Բնության մեջ ամեն ինչ մեղմում է՝ նորից ծնվելու և ապրելու համար՝ իր զարգացման ու կառուցվածքի մեջ ենթարկվելով անփոփոխ ու բարձրակարգ օրենքների։ Սակայն անհատներին էլ մեծ մայր բնությունը պարգևում է ստեղծագործական սյացք, արարման վայելքի աստեղային պահեր։ Հավերժ փոփոխվող բնության մեջ էլ մարդ էակը, կյանքի իրեն տրված կարճատև ժամանակահատվածում, արարում է ժամանակից վեր մտքի ու զգացմունքի արժեքներ՝ գիտության և արվեստի բազմաթիվ ստեղծագործություններ։ «Հիշատակարանում» Իսահակյանը մարդ էակին զննում ու ներկայացնում է հակադրությունների միաձուլյալ ներդաշնակությամբ այնպես, ինչպես մեծ բնությունն ինքն է, սակայն Գյոթեի նման նա նույնպես մարդու կոչումը կյանքում առնչում է նրա ակտիվ ճանաչողությանը, ոգևորությանն ու արարմանը։ Իսահակյանը զգաստ ու սթափ հայացքով է զննահատում և արժեքավորում մարդ-բնություն հարաբերությունները, որոնք այստեղ արդեն շատ են հեռու նրա պատանեկան, դեռևս չձևավորված պատկերացումներից. «Կյանքը կոխի է, այո, կոխի է, սարսափելի կոխի, բայց ոչ միմյանց հետ (մարգերի), այլ բնության հետ» (2, 23)։ Այնուամենայնիվ, նման հարցում գրողը միշտ ներկայանում էր կասկածի երանդով՝ «Արդյոք սխալ չե՞մ մտածում...» (2, 23)։ «Հիշատակարանում» բնություն-մարդ փոխհարաբերությունները ներկայացնող հատվածներում հեղինակը հոգեպես ձուլվում է բնությանը՝ ժամանակավորապես մոռանալու համար մանր հոգսերով լի առօրյան։ Նա հոգևոր խոյանք է ապրում բնության վեհության ու անեզրության մեջ։ Բարի, մայր բնության զրգ-

⁴ Հոգի հ. Թ ու մ ա ն յ ա ն. Երկերի ժողովածու 6 հատորով. հ. 4, Երևան, 1951, էջ 240։

վանքի ու վայելքի պահերին, հատկապես ստեղծագործական ներշնչանքի խորին գաղտնիքներին հասու լինելու ձգտումների մասին նրա խորհրդածությունները հիշեցնում են Շելլիի պոեզիան: Ինչպես նրա, այնպես էլ հայ գրողի մոտ բնության հանդեպ տածած վեհ զգացմունքները աննկատելիորեն իրենց մեջ են ներառում և մարդկության մասին խոհերը: չէ՞ որ մարդն է զավակը այդ բարի բնության:

Բնության հրաշք գեղեցկություններից Խաչակյանի ուշադրությունը «Հիշատակարանում» հատկապես գրավում են անընդգրկելի, վեհ, իրենցում խորին խորհուրդներ ունեցող երևույթները, այդ թվում ծովը և արևը: Սեփական բազմախորք հոգեկան ապրումները օրագրի հեղինակը հաճախ է համեմատում ծովի հետ. «Ծովը եռում էր—սիրտս եռում էր: ...ծովը պարում էր—ծովը սրտումս էր շաշում, փրփրում, պարում, լալիս...» (Հ, 232): Ծովը ներքին անդորր ու երանավետ հանգստի պահեր է պարգևում, անհատակ խորություններ ու ջինջ կապույտով հոգեպես վեհացնում նրան: Իր անսահմանությունամբ և անընդգրկելիությամբ ծովը հանդուգն ու վեհ մտքեր է ներշնչում միաժամանակ: Հնդվզման պահերին մարդը դեպի երկինք կարկառած ձեռքերով, իսկ ծովը անհամառուն լալիքներով են ծառս լինում դեպի երկինք: Թվում է՝ աքսորավայրը Օդեսան ընտրելու հանգամանքը ևս պայմանավորված է ծովի հանդեպ գրողի տածած հիացմունքով:

«Հիշատակարանում» ծովը, ջուրը նաև հոգևոր ինքնամաքման խորհրդանիշ է, որը միաժամանակ գեղեցկություններ է խորհրդանշում, թաքցնում մարդկային երազանքներ: Հեթանոս հայի համար երկնքին ձուլված ծովը նաև մեռած մարդկանց հոգիների հետ հաղորդակցման վայր էր, և հատկանշական է, որ գրողի օրագրում նմանօրինակ բնականարով էլ է ծովը պատկերված. «Նայում ես ծովին, և հորիզոն չկա. միացած է ծովը երկնքի հետ, չկա անջատման զիծ, նայում ես և սուզվում անհունության մեջ: Օրագրում ծովը գրողի մտահղացումներում երբեմն իր մեջ է ներառում նաև քաղաքական երանգներ, ուր ազատ ու անկախ Հայաստանի ստեղծման նվիրական գաղափարը հեղինակը այլաբանորեն առնչում է լողալ-կովելուն՝ հասնելու համար հեռավոր, բայց և ցանկալի ափը:

...Ես շատ կուզեմ ծովն ընկնել,
 Լողալ, կովել, ալիքները
 Ճղել:—Ախ, ինչ ցանկալի է
 Հեռավոր ափը... (Հ, 235):

«Հիշատակարանում» առկա են նաև արևի պաշտամունքի հետքեր: 1934 թ. սեպտեմբերի 20-ին կատարված նշումներում արևը դիտվում է որպես ուժի, հզորության, գեղեցկության խորհրդանիշ, իսկ հին կրակապաշտ հայի բազմաստվածության հետքերը առավել շոշափելի են գրողի հետևյալ խորհրդածություններում. «Խորհրդավոր է ծովը՝ անպարփակելի, անպարտելի: Արևը նրա միջից է ելնում և նրա մեջ է սուզվում... Ահավոր աստված է նա» (V, 158): Եվ ահա բնության այդ վեհ ու հզոր երևույթի հետ էլ գրողը օրագրում համեմատում է իրեն. «...ուզում եմ ես միայն բարձր արև լինել... ես՝ հերոս, արև» (Հ, 170): Այստեղ գրողի մոտ դրսևորվում է հեթանոս հայի մտայնությունը: Եթե մայր մտնող արևը անդորրի է դնում, ապա ծագող արևը գրողին ներկայանում է չթնաղ կույսի տեսքով. «...ոսկի լեռների հետևից ելած նազելի արևը, թարմ, պայծառ արևը՝ նման չթնաղ, հեզաշուք կույսի... և առաջին ճաճանչները... համբույրի պես... գգվեցին ճակատս ու աչքերս և ինձ էլ ոսկու մեջ թաղեցին...» (Հ, 280): Սա արդեն հայոց հին հավատալիքներում արևի դուստրն է՝ Այգը կամ Արշալույսը, որ հագնում է իր ծիրանագույն զգեստները, ոսկե կառքով բարձրանում լեռնակատարները և երկրի դարպասները բաց անում իր հոր՝ արեգակի առաջ, որից հետո ճաճանչներով դուրս է ելնում արևը և երկիրը լցնում կենսարար ջերմությամբ: Սա, ըստ էության, արևի մահվան և հարության առասպելն է՝ ուրույն ձևով

վերաբարադրված: Հեղինակի զրառումներից մեկում էլ արևը արդեն համարվում է բնության եղակի ու բացառիկ երևույթ՝ անզուգորդելի սրբություն: 1902 թ. կատարված գրառման մեջ «Անի» բառի մեկնությամբ («Անի-սանսկրիտ մայր լեզվից է բխել և կրակ, հուր կնշանակե...») Իսահակյանը ազդարարի գրականության մեջ արևի՝ անշեջ հրի քիչ ուշադրության արժանացած ուրույն և ինքնատիպ ստեղծությունն է ներմուծում՝ ազատության սեր. «Անի... թող նա, պանծալի Անին, լինի անշեջ հուր հայության սրտում վառելու և բորբոքելու ազատության սերը, և լինի սեր վերածնության ֆենիք-սր» (Հ, 233): Արևի, անշեջ հրի՝ որպես ազատության սիրո մեկնությունը, թվում է, զուտ ազդարարի հոգեբանությամբ է պայմանավորված:

1895 թ. հունվարի 19-ին կատարած գրառման մեջ օրագրի հեղինակը բնությունն է օժտում սոցիալական կրանզավորմամբ՝ բարձր, վեհ գաղափար-ուկր անշեջ շնորհի նրա վսեմ երևույթներին՝ «նեղ ու խոնավ տներին մեջ իղեալ չի կարող ծնվել... Ինձ ավելի լեռներ ու ձորեր, սարեր ու դաշտեր, ծովեր ու անտառներ, ևս ձեզ իղեալներ կտամ» (Հ, 159):

Մեծ բնապաշտը դեմ էր նաև բնության շահագործմանը, և դա հատկապես ի հայտ եկավ Սեանա լճի ջրի օգտագործման հարցում նրա անհաշտ, աննահանջ ու ըմբոստ դիրքորոշումներում: Սեծ մարդասերի համար գիտության հեռահար նպատակը մարդ էակի բարօրությունն էր, հոգևոր-մարդկային նկարագրի զննվածությունը, նրան վեհ, անաղարտ, անմահ ու հավերժական, ասել է՝ նրան Աստված տեսնելու երազանքն էր. «Բնության մեկնությունն մեջ մարդ հասնում է աստվածության... Բնությունից եզրակացում ես Աստծո ղոյությունը»:

Սեանալով ժամանակի սոցիալ-քաղաքական աններդաշնակության դեմ՝ գրողի խոռված հոգին սովորաբար անդորր է որոնում բնության մեջ. «Մե-նակ թափառեմ, լեռների գլուխը պառկեմ ու խորհեմ. ծովերի ափին պառկեմ ե խորհեմ—տիեզերք խորհեմ. հավերժություն խորհեմ...» (Հ, 311): Հավերժության խորհուրդը նա սովորում էր բնությունից, որը նույնպես անդորրի ու հանգստի կարիք ունի. «Եվ առօրյա հոգսերից մտազբաղ բանաստեղծի հայացքը ուղղվում է դեպի բնություն: Այստեղ էլ նա ինքն իր համար փորձում է մեկնել լուծության նախ՝ էությունը. «Էություն անզոր է հայտնել այն, ինչ որ մարդու հոգին կղզա. անհնար բան է, չկան բառեր: Ավելի լավ է միշտ լռել, լռել, լռել. լուծությունը՝ ասես խորություն, հոգու լեզու...»⁵, ապա՝ այդ խորախորհուրդ լուծության պատճառը. «Բնությունը գաղտնալից է, խորհրդավոր ու դրա համար էլ լուռ...» (Հ, 202): Աստվածային այդ հրաշքի լուռ կախարդանքին ունկնդիր՝ գրողի լսելիքը տարբերակում է նաև այդ լուծության տեսակները. «Վերջերային լուծությունը գրեթե անխառն, մաքուր մի լուծություն է, իսկ ցերեկվա նույնիսկ ամենախոր լուծությունը լցված է ձայների փոշիններով... ասես մի ղողանջուն, անվերջ... հնչուն մի լուծություն»⁷: Անշեջ այդ պահերին նա իր ներաշխարհի հետ է, իր մտորումների, խոհերի, զգացած-վերապրածի, հեռու հասարակության պարտադրած պահվածքից «ներանց չնշին խոսքերից, նրանց քայլերի ու ղործերի աղմուկից...»: «Կուգեմ մի լուռ ու մինակ տեղ, որ մտածեմ ու ինձ հաշիվ տամ, թե ինչ եմ, ինչ կանեմ, ինչ է կյանքը, վիշտը, սերը...» (Հ, 392, 212): Խորախորհուրդ բնության այս հենքի վրա, «ի՞նչ է կյանքը—տիեզերական լուծության մեջ մի երգ»⁸ տրամաբանությամբ էլ օրավորում Իսահակյանը ստեղծում է սեփական բանաստեղծական նկարագրերը. «Ես մի ձայն եմ տիեզերքի մեջ, և միշտ հնչում եմ, միշտ երգում...» (Հ, 206): Մարդկային ճանաչողության սահմաններից անդին թևածող մաքի սլացքով, հոգու նրբին ելեէջների ներդաշնակ միասնությամբ էլ

⁵ ԳԱԽ, Իսահակյանի արխիվ, 343—346—II, էջ 32:

⁶ Նույն տեղում, 17—II:

⁷ Նույն տեղում, 405—407—II:

⁸ Նույն տեղում, 774—II:

գրողը հասու է դառնում բնության լեզվին, որ շնորհիվ էր միայն երկրային ընտրյալներին, այդ թվում և բանաստեղծ ծնված աստվածաշնորհ անհատներին. «Ո՛վ մարդիկ, ես եմ հասկանում լուսնունը, որ տիեզերքի լեզուն է» (Հ, 202); Լուսնյան մեջ մարդու հոգին հաղորդակցվում է նաև հինհին դարերի ու ժամանակների անեղծ բնությանը, զգում նրա անապական շունչը: «Անհուն մի լուսնուն... որ բնավ չեն խոցում այս հին, նախակերտ լուսնունը... Կապույտ երկինքը անծայրահուն է գլխիս վերև, և արևը, տիեզերքի մեջ ամեն բանից հզորն ու գեղեցիկը, սավառնում է թևատարած...» (Հ, 391): Նախակերտ, անխաթար բնությունը ազգային գրականության մեջ վրձնել է Ակսել Բակունցը «Մթնածորում»: Այդօրինակ բնությունը «Հիշատակարանում» երբեմն ներկայանում է «վայրի» բառի կրկնությամբ. «Օս սիրում եմ բույրը վայրի վարդերի, Մռայլը վայրի անապատների, Եվ բարձն ու վարձը վայրի մարդերի» (Հ, 226—227), և այստեղ արդեն «վայրի մարդ» բառակապակցությունը պետք է հասկանալ իսահակյանական ենթատեքստով: Իսկ վայրի բնությունն արդեն հուզում է Իսահակյանի հոգին. «Լացս գալիս է... ինչո՞ւ չգիտեմ» (Հ, 103): Քնարական այս գեղումները զուգադրելով գրողի թղթերում պահպանված «Բնություն» վերնագրով դեպի ծրագրային նշումներին, հասկանալի է դառնում նաև գրողի աշխարհայեցողությունը, որն է՝ բնության փիլիսոփայությունը և մարդ-բնություն բազմաշերտ, բազմադեմ հարաբերությունները. «Իմ գրելիք վեպը, որ կոչվում է «Բնություն», ուր պիտի նկարագրեմ բնությունը իր արտաքին և ներքին կողմերից... և մարդը բնության առաջ. բնության մեջ և մարդու պահանջները, երազները, նպատակները, ուզածները, տենչերը...»: Տիեզերական ամբողջության մեջ մարդ էակին սոսկ մի հյուլե համարելով՝ նա ահով ու սարսափով է արձանագրում գոյատևման համար մղած նրա պայքարն ու անվերջ տառապանքը՝ օրորոցից մինչև գերեզման: Դարերի վեր ապրելու իրավունքը մարդը ձեռք է բերում անողոք ու դաժան պայքարում. «Բայց իմ տառապանքը, իմ վիշտը, իմ ցավագին գալարումները, իմ սարսափը մահից... ավելի մեծ են, անեզր են, ծանր են, քան աստղերը բոլոր, քան տիեզերքը» (Հ, 433): Եվ քանի որ նրա վերջը ունայնությունն է, ապա ինչո՞ւ են կյանքի այդ անլուր, անվերջ հոշոտող ցավն ու տառապանքը, որ ինքնին ավելի մեծ է, քան ինքը՝ տիեզերքը. չէ՞ որ «Ամեն մի մարդու մահով կործանվում է մի ողջ տիեզերք»⁹: Ըստ էության հեղինակը ողբերգություն է ապրում այն գիտակցությունից, որ ժամանակային այն կտրվածքը, որն իր ապրած կյանքն է իր մեջ առնում, ծրարում էր իր ջերմ ու կրքոտ սերը այն մարդկանց հանդեպ, որոնց սիրել է, որոնց համար տառապել և չի ուզում հրաժեշտ տալ դրան: Մահվան ահասարսուռ օրենքի դեմ ընդվզող նրա հոգին էլ երանություն ու հանգիստ է որոնում բնության գրկում, երեկոյի անդորրության մեջ՝ հար և նման Շանթի¹⁰: «Իջե՛ք, իջե՛ք երազներ...» բանաստեղծությանը տրամադրությամբ ու լեզվառական ատաղձի հակվածությամբ. «Իջիր երեկոյի անդորրություն, իջիր սրտիս մեջ, խաղաղադրու իմ շարժարվող հոգին... տուր ինձ անզգայություն և անգիտակցություն և քաղցր քնի պես մահ¹¹...» (Հ, 433): Մահը որպես երանություն ընդունող օրագրի հեղինակը այնուամենայնիվ փորձում է միաժամանակ հասկանալ բնության երկսայրի առեղծվածը՝ բարի և չար կամ էլ վավերացնում է. «Բնությունը ուժեղին ստեղծել է թուլերի գլխին դահիճ... Զգվելի բնություն, սարսափելի բնություն: ...Անիծում եմ բնությունը, նզովում եմ նրան...»¹²: Նման եզրահանգումներն արդեն թելադրված են մարդ

⁹ Նույն տեղում, 773:

¹⁰ Լ. Շ ա ն Թ. Ընտիր երկեր. Երևան, 1969, էջ 228—229:

¹¹ Բանաստեղծի տիկնոջ վկայությամբ հենց այդպիսի մահ էր վիճակված նաև իրեն՝ վարպետին. Հ. Ս ի Ր ա ս. Քառամեկ տարի Ավետիք Իսահակյանի հետ. Երևան, 1984, էջ 122:

¹² ԳԱԲ, Իսահակյանի արխիվ, 344, էջ 1—2:

լակի մահվան անխուսափելիության գաղափարով: Բնության գաղտնիքները ճանաչելու հանելուկը վճռել փորձող մարդ էակն արդեն չի կարողանում մեկնաբանել նրա ամենամեծ խորհուրդը, իսկ մահվան ստվերը նա կրում է իր հոյում գիտակցական ողջ կյանքի շնթացքում և բնության նման, իր ժամանակավոր հոգեկան ալեկոծանքի պահին դաժանություն ու սարսափ է սփռում ամենուր: Իրողի խորհրդածություններում բնության շնչավոր և անշունչ էակները, ինչպես «Ողջունն ամենքին» բանաստեղծության մեջ, ներկայանում են անբաժան միասնությամբ, արյունակցական հարազատությամբ. «Սունը իջիր երկրյուղած, Նվ այս մասոռոտ ժայռը մեծ խոնարհ սրտով համարուրի, նա եղբայրն է քո երեց» (I, 353): Ժամանակավոր, վաղանցուկ է ոչ միայն մարդ արարածը, նրա ստեղծածը, այլև բնությունն իսբը: Նվ ահա հավերժությունը ունկնդրած և նրա հետ զրուցող բանաստեղծի աչքերի առջև որպես տեսիլաժապավեն, անցնում են «...մարդիկ ու քաղաքներ, բետեր ու լճեր, երկրներ ու աստղեր, և բոլորը փոշի դարձան ու լուռ ցրվեցին...» (2, 207): Գրողի ըմբոստ հոգին հաճախ ծառս է լինում ունայնության դեմ, սակայն միաժամանակ գիտակցում, որ իր հոշոտող ցավը ի վիճակի չէ բնության մեջ ոչինչ փոխելու:

Հիշատակարանում իր ժողովրդի քաղաքական ճակատագրի մասին գրողի խորհրդածությունները 1926 թ., այսինքն՝ երկար տարիների ընդմիջումից հետո առաջին անգամ հայրենիք ոտք դրած գրողի մոտ, համարյա միշտ ներկայանում են եզովպոսյան լեզվով, բնագրի կրկնակի ընթերցմամբ, խոր ենթատեքստով, բազմաթիվ կախման կետերով: Ահա 1936 թ. Փարիզից հայրենիք ընդմիջող բնակության եկող գրողի գրառումները Վենետիկում. «Արևան: Հիսուսի և Հովսեփի փախուստը Եգիպտոս. մի ծառի տակ հանգչում են: Քնկ են. Հովսեփը արթուն է և հսկում է: Էջն էլ է քնել...» (2, 402): Նվ այսպես պրոզա շարագրում է ասելիքը, մինչդեռ հայտնի է, որ հրեշտակը Հովսեփին հայտնվելով՝ պահանջում է. «Ելիր՝ առ մանուկը ու անոր մորը և դիտա...» (Մաթ, Բ., 20): Այստեղ օրագրի հեղինակի ասելիքը հասկանալի է դառնում հեղինակի մեկնությամբ. «Տիրամոր սերը... ըստ էության բացարձակ բավարարված, երանելի հոգեհարազատություն է նշանակում»¹⁸: Այլ դեպքում բնության հրաշք դեղեցկության նկարագրությանը հաջորդող կախման կետերն են հուշում գրողի ասելիքի անավարտվածությունը. «Ես շրջել եմ Գարդա լճի շրջի և հոյակապ ափերով, որոնց դարեր առաջ երգել են Վերգիլիոսը և Կատյուլը...» (2, 404): Գայուս Վալերիուս Կատուլուսը (մ. թ. ա. 87—54) Կեսարի ժամանակակիցն էր՝ հռոմեական քաղաքական և ռազմական այն գործիչ, որի պայքարը հանրապետության դեմ ավարտվեց հաղթանակով, և նա իրեն հռչակեց նախ դիկտատոր, ապա՝ «դիկտատոր պերպետուս»: Իսահակյանը մտովի զուգահեռներ անցկացնելով իրենց ապրած քաղաքական ժամանակահատվածների միջև, անպայման մտաբերում էր Կեսարին և նրա համախոհներին խարազանող գրողի բանաստեղծությունները, ուր, ժամանակակիցների վկայությամբ, նա «...հավերժական դրոշմ էր դրել նրա և Մամուրրուսի վրա»¹⁹, Կեսարի համախոհին ու կամակատարին բանաստեղծն անվանում է «սրիկա, անամոթ, ապիրատ, խորամանկ խաղացող»: Հայրենիք վերադարձող գրողի մտատանջությունները Կեսար—Ստալին ուղեծրով էին տարուբերվում, և այս են հուշում հատվածն ամփոփող կախման կետերը, որոշ պատկերացում տալիս նրա ներքին ալեխոսով հոգեվիճակի մասին: Ահա և 1926 թ. Հայաստանի օրագրային պատառիկները, նույնպես հարուստ բազմակետերով, սակայն այստեղ արդեն գրողի ուրույն համեմատություն—զուգահեռը ամբողջացնում է ասելիքը. «Օղակալն ունի 3000 բնակիչ (մոտ 600 տուն, տնտեսություն): Հին գերեզմանատուն, ուր ավելի շատ

¹⁸ Гегель. Эстетика. Т. II, М., 1969, с. 255.

¹⁹ Ա. Առաքելյան. Հռոմեական գրականության պատմություն. Երևան, 1975, էջ 180:

մարդ կա մեռած, քան հիմա գյուղում բնակիչ... Գյուղացիք տխուր էին շատ...» (2, 373—374)։ Սրանք էլ 1936 թ. Հայաստանում օրագրին պահ տված մտորումներն են. «Սորթված հավը դեռ երկար ժամանակ, թերևս մեկ կամ երկու րոպե ջղածություններ է անում... Սարսափելի էր... Զարհուրանք է բնությունը. գազանություն, ոճրագործություն. ապրելը ոճիր է, բնությունը ոճրագործ է, նա մայր չէ, այլ դահիճ...» (2, 421)։ Ասես բնազդով մեծ տեսանողը զգում է մոտալուտ արյունահեղ արհավիրքը։

«1939 թ. սեպտեմբերի 27» նշումներում իսահակյանը արձանագրում է իր վարորդի պատմածը. ոչխարներին հավաքել են և հերթով մորթում մյուսների ահից զարհուրած հայացքների առաջ. «Հերթի կանգնած ոչխարները նայում են սպանողին և կանգնած տեղերը դողում են, դողում են, դողում են...» (2, 427)։ Այս միջադեպը վերարտադրող բանաստեղծության մեջ արդեն, արձակի համեմատությամբ աննշան բառային փոփոխությունը՝ «Ղասապը ծխամորճը շրթունքին...» (2, 349) որոշակի ակնարկ էր 1930-ական թթ. ոճրագործությունների հեղինակի մասին։ «Դողում են» բառի կրկնությունը գրողը վերարտադրում է ժամանակի խորհրդային իրականության ճշմարիտ վավերագիրը, ուր արյան, սպանդանոցային մթնոլորտը երկրորդ համաշխարհային պատերազմի նախազգացում էր միաժամանակ։ Ստալինյան արյունոտ ոճրագործությունները վերարտադրող հատվածներում ուրվագծվում է նաև բանաստեղծը ինքը՝ անել, անօգ դեմքով, խոշտանգող ցավը հոգում, գրչակից ընկերների, ժողովրդի անմեղ զոհերի դաժան ճակատագրի համար ապրած ողբերգությամբ։ Այս ահասարսուռ տրամադրությունները տարիների հետ օրագրում տեղի են տալիս, և հետագա՝ 1940-ական թթ. երկրորդ կեսի բնականությունում իշխում են իսահակյանական ներդաշնակ հոգեոր խառնվածքին բնորոշ վրձնահարվածները։ Հայաստանի բնականությունը ներկայանում են ազգային բնավորությամբ, նրա ճակատագրին բնորոշ առանձնահատկություններով։

Ստեղծագործ կյանքում բնության տեղի, գերի շուրջ գրողի խորհրդածությունները համահունչ էին արվեստը բնության նմանության ու արդյունք համարող Հովհ. Իմաստասերից Արտվյան ձգվող մտայնությանը։ Նման արեւակցական հարազատությամբ հանդերձ, թվում է, իսահակյանի բնապաշտությունը հակված է նաև դեպի գերմանական պոեզիան. «...գերմանացիների հակումը դեպի բնության խոհերի պոեզիան»¹⁵։

Բնության վեհ ու շքեղաշուք գեղեցկությունների, նրա խորախորհուրդ, բազմադեմ ու բազմաձև գաղտնիքների հետ հաղորդակցման, դրանց բանաստեղծացման հունով էլ ծավալվում են իսահակյանի ստեղծագործությունները՝ չափածոն ու արձակը։

¹⁵ Հ. Ե. Լ. Փիլիսոփայության ներածություն. Երևան, 1964, էջ 267։